

豫章叢書

第二〇冊

觀士大夫言行當于其大節不顯以文藝也劉禹錫
柳宗元述作雄深法度嚴密發纖微於簡古寄至味
於淡泊非餘子所及然坐王叔文黨君子惜之士大
夫欲爲君子者苟人不知世不吾以則有致命遂
志而已窮居不損焉乃若俛仰隨時僥倖得志雖有
才美不足觀也已慶元初孽臣竊柄士大夫倚爲泰
山其門如市吾邑王公先生以著蔡之明冰霜之操
未嘗一躡其門晚守臨川陞辭奏事柄臣使密客誘
致之迄弗往見奉祠而歸優游山間無一毫隕穫意
此曾子所謂弘毅之士歟先生所爲文無一字無來

處蓋其多識前言往行以蓄其德而又深於憂患才
老而氣定故流於既溢之餘嶄然出人意表自其省
闢三策辭嚴而義偉已不肯爲舉子之文矣厥後論
邊事則鼂賈其倫也爲記銘則韓柳其亞也其詩如
題浯溪碑蘭亭記金山廟之類折衷古人之得失發
越詞人之所未言至於感物興懷酬唱嘲詠筆力雄
放皆有深意杜少陵其比也顧其平生大志欲裨國
論扶王室掃清中原以光祖閔則有在彼而不在此
者一不獲伸賚志沒地而以文藝稱于世抑其土苴
云耳愈少之時嘗操几杖從先生游今老矣高山景

行之思猶日往月來于懷也其子旦爲邑惠之博羅
輯其文鏤梓以歸屬愈識其卷首貌焉晚進何敢措一
辭獨念前輩典刑之老中原文獻之裔去世逾遠一
時出處大節後生鮮有聞者孟子曰誦其詩讀其書
不知其人可乎故爲述其槩云潛祐癸卯夏六月甲
子里人吳愈叙

義豐集卷第一

宋王阮南卿

詩

古意

西風策策翻葉鳴錦機停梭人暗驚歸心欲附潮頭
去潮頭不肯到湓城

洞庭九月湖水乾倒影夜瞰星斗攢水官籬浪蹴寒
玉船過兩耳聲珊珊

明妃曲

胡塵漠漠風捲沙明妃馬上彈琵琶琵琶一曲思歸

譜明妃淚盡胡兒舞胡兒不道思歸苦更問漢宮餘
幾許古來和我人似鐵漢家和我人似雪午窗一抹
春山橫萬里關河不須設燕支寒帳秋復春翠被不
禁愁殺人人生不可無黃金無黃金兮死沉淪明妃
也莫怨青塚死有佳名生有用君不見秦樓當日卷
衣女一一空隨宿草腐

續湖陰

王敦稱兵內向明帝微行湖陰故樂府有湖
陰曲然亡其詞也余泊舟堂下誦溫庭筠補
亡惜意未盡因爲續焉

上林鳴蛙私邪官金陵指顧成長安唾壺一曲玉如意聲斷石城鋒鏑寒從來龍化中興主不似黃鬚阿奴武當時斬鞅心下事今日揚鞭目中虜黃埃散漫重瞳微雨師不麗疑人知夢回日轉驚已午馬驕風疾那容追一聲吉語禁門靜萬國笙歌仙仗整山傾海動忽燃臍地闢天開誰問鼎長江十里真險哉煌煌晉業流秦淮江濤一洗妖氛息湖陰千古琉璃碧

代胡倉進聖德惠民詩

并序

臣竊惟先王盛時大夫從事於外必有聲詩道其不遑寧處之情而極夫節物之變耳目

所接託興喻物一於心聲發之非以自矜其
功也以爲君臣之際天下真情所在序其情
而閔其勞君子之道云爾恭維陛下康濟懷
保如周文王臣於此時得從大夫之後備使
一方敢不激勵奮發以求不負陛下臨遣之
意用集所見與其所聞因其方言間以俚語
稍加擗括比爲近體詩一百韻走驛詣通進
司投進冀塵乞覽文詞鄙陋不足發揮至德
之光臣則有罪若夫字字必寔言言不誣舉
可覆視當堯章煥乎之日犯狂簡斐然之戒

仄身覆燾寔無所容冒犯天威臣無任俯伏

竣命之至

平楚皆膏壤成湯忽早年人知聖慮切恩遣使臣宣

乙卯飢荒後長沙富庶全紀年四十載斗米二三錢

潭州自紹興五年一縣縣人烟密村村景物妍朱蹄

早後豐稔三十八年驕柳陌金饒麗花鈿長沙自唐號小長安習此名成

朱蹄金饒杜甫所云懶加之吏不虔力耕終苟且勸課或遷延綠野田多

曠潢池惡未悛曷嘗修稼政但見飾賓筵豐稔時難

保盈虛理有還自應成赤地安得咎蒼天義廩眞良

法常皇家以備先賁倉何止萬存數僅餘千

潭州每歲正苗

三十八萬石每石收義倉一斗自乙卯至辛卯當有百萬石臣到任點檢僅存四萬石

濫以疎

庸迹來司欽散權一身初抵此四顧但茫然奏發常平弊財蒙內帑捐敢云呈敏手幸免奮空拳葭問秦輸閉專稽稷懋遷陸同流馬運水作汎舟連凡屬災傷事深將利害研兼并勤告諭商旅漸喧闐市直雖翔踊官收却痛蠲北來因鼎粟南至出渠船分路招糴廣米自靈稍稍收成廩紛紛出著鞭起於衡嶽趾環厥洞庭舫湖北疆參錯江西境接聯里雖千萬遠身亦再三巡必務經行徧深防賑給徧規模頒郡吏出納謹鄉賢敢避風兼雨周爰陌與阡有時沉水底鎮日上

山顛不復通舟楫寧容坐馬驍屐多穿石爪裳慣濕

河壩江步時時到村墟日日穿

楚語以江岸爲步村市爲墟救頭

方甚急援手巨辭胼疇昔雖多病馳驅却自痊已成

迷曉夜不復憚山川松逕行時蓋楊花坐處瓊光華

雖備使蕭散類登仙林密花頻剪途窮木可緣石敢

行恐壓溪漲涉疑漩昔出正初吉今經六下弦

以正月出

巡七月還司

奔忙馳似箭來往轉如圓王事歌苞杞歸心

却杜鵑力雖疲險阻志務報陶甄憶昨初行日蕭然

亦可憐餓羸皆似仆疾疫更牽纏詎止家徒壁多遺

屋數椽葛根殫舊食竹米繼新餽

去冬人食葛根略今春又食竹米

救朝昏急終非肺腑便聲音中改變形質外羸羸氣
蕭胃排骨神昏眼露罔步敬身欲仆頭禿髮俱卷婦
餒心成疾兒啼口墜涎亂花生目睫炎火亢喉咽裊
鼻渾無力昏昏只欲眠盡攀持來手頓削負薪肩狀
貌已成鬼號呼幾亂蟬獸窮思曠野魚困想清泉山
僻無人到帷驚有使寒初聞爭欲走稍定使來前爾
俗飢雖困吾君施體乾知民方疾苦遣吏撫述邇置
院收鰥寡分場賑市廩貸糧招復業散種使耕田臣
乞以米五萬石俟條給貸四等以寒給衾綈襖給被
下戶又以穀三萬石分諸縣借給襖給衾綈襖
春頒藥劑煎凡今嚴吏責皆是恤民編稍見兒童集

徐看父子牽共爭扶杖聽咸樂置郵傳茶獻迎門禮
香浮夾道烟耳聞身鼓舞心切涕潸潸坐定徐言此
從來未見焉一時愆潤澤萬里奏艱鮮灌溉非無枯
精虔亦有牲畚乾終損粟池涸竟枯蓮詩駭周宣魃
經書魯國蠲坐令民皞皞穠作淚漣漣平日安豐稔
今朝乍戾顛老羸如病馬壯健若飛鳶忽見皇恩沐
親馳使命專聽言初挾纊拜賜悉鳴絃新歲天心格
經時雨勢綿東皋耕澤澤南畝溜濺濺坎豆皆勤作
根涯悉勉旃水耕榮嘒嘒陸種茂芊芊件件絲盈軸
方方麥薦簞

楚語以種物爲坎豆勤苦爲根
涯以足爲件以三升爲一方

指知食

欲動目望酒先擲舍北行歌暢村南伐鼓淵魚占何
必夢斗覆已明纏甲子晴尤好嘉平雪記填自今知
歲歲王道永平平撫已叨逢主占星幸備員耳親聞
擊壤手敢廢題牋農事修其職邦基賴以堅但令倉
廩實何患犬羊羶商克周飢止邢存衛雨愆定知豐
稼穡端在講戈鋌足食繫兵法行根詠雅篇願陳王
朴論一稔遂平邊

王朴邊策一稔可以平邊

上九江唐舍人

文若

五十韻

江左承南渡潯陽控上流平時稱用武今日更防秋
六代規模古三江險阨周高憑隆屏翰下瞰握襟喉

呼吸聞吳楚封疆轟斗牛循良渡虎跡神武射蛟遊
勝事餘蓮社風光足庾樓倚天開峻極倒影湛飛浮
鼎敗香山往官輕靖節休義門十世美將業二王優
頃歲承平久斯民習俗修究心依學校服力事田疇
獄淨苔荒砌山深麥掛丘共知忠義篤肯陷矯誣羞
不料腥羶起能令日月幽雲屯滿赤縣天意卒鴻溝
郡邑生荆棘江湖識冕旒竟捐形勢地聚作虎狼陳
紹興初李成盜此昔計何勝辱群生亦漸偷奇功思赫赫內
治頗悠悠法令中間弊流移不可留經界法行始有
交居之弊產去
稅存德安一縣歲逃移千七百戶未經真撫恤還已困虔劉對壘緣

淮甸長蛇致虜酋

逆亮入寇其臣有欲首取江州者

雷聲忽天狗旗

尾又蚩尤隔岸幾航羣孤城亦縵旂兵戈閑未耜戰

艦奪松楸天下雖同擾江西又不侔宿師惟此地江南

獨此

履畝倍他州

曹翰平江州獨屯戌履畝倍他州用僞唐全稅

諸將紛紛是攸司

日日摺文符競旁午膏血罄誅求戰鬪連年永瘡痍

幾日瘳孽牙終作梗氣習遂成媮情動穿墉鼠風行

借父耰

風俗舊滔今狡

秉彝均物則失德自乾饑近世凡臨

政何人解撫柔帝爲輟近侍人喜得賢侯父子文章

偉君臣契分投王言資潤色國事仗謀猷詩似上傳

鯉書如固績彪鳳毛宜鸞鷟驥種自驂騑增重依蓮

幕尤煩借箸籌折衝皆婉畫賜履又分憂奕奕長江
上源源數路頭若非煩柱石何以鎮貔貅南土驚新
使西清擁碧油春風回野色江月靜簾鉤地借長城
望塵清奕世饒有生皆固結無士不冥搜公下車之
始卽問姓
名立國須才用聞公銳意收龍門如可上敢請與荀
傳

瑞麥謠

淮南宜麥舊矣瑞我聖世疊出濠梁洎熙戊
戌得兩岐者一守臣張士元記其異紹熙甲
寅又得之益以三岐者守臣黃萬石再播頌